



Ruj. Tuan / Your Ref. :

Ruj. Kami / Our Ref. : (9)04/C/PD/656/4 Jil. 5

30 Oktober 2019

**Pk (EL) MPOB 01/2019**

Semua Pemegang Lesen Kategori Kilang Buah Kelapa Sawit  
Semua Pemegang Lesen Kategori Kilang Penapis  
Semua Pemegang Lesen Kategori Pengeksport Keluaran Kelapa Sawit  
Semua Pemegang Lesen Kategori Pengimport Keluaran Kelapa Sawit

Tuan/ Puan,

**PENGUATKUASAAN TAMBAHAN SYARAT LESEN YANG DIKENAKAN BAGI PEMEGANG LESEN DALAM KATEGORI KILANG BUAH KELAPA SAWIT (MF), KILANG PENAPIS (RF), PENGEKSPORT KELUARAN KELAPA SAWIT (PX) DAN PENGIMPORT KELUARAN KELAPA SAWIT (PM): KESELAMATAN MAKANAN DAN MINYAK SAWIT YANG BERKUALITI**

Dengan hormatnya saya ingin menarik perhatian tuan/puan mengenai perkara tersebut di atas.

2. Dimaklumkan bahawa Mesyuarat Lembaga ke-105 yang telah diadakan pada 24 Julai 2019 telah meluluskan tambahan Syarat Lesen berkaitan keselamatan makanan dan minyak sawit yang berkualiti yang akan dikenakan ke atas kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM).

3. Sehubungan itu, Lembaga akan menguatkuasakan syarat lesen seperti yang diperincikan di dalam Pekeliling Penguatkuasaan (Pelesenan) MPOB 01/2019 (Pk (EL) MPOB 01/2019) secara berperingkat mulai 1 Januari 2020.

4. Dalam hal ini, pihak tuan/puan dikehendaki mematuhi syarat-syarat lesen yang telah ditetapkan sebagaimana Jadual Enam, Peraturan 21, Peraturan-Peraturan Lembaga Minyak Sawit Malaysia (Pelesenan) 2005 dan Pekeliling Penguatkuasaan (Pelesenan) MPOB 01/2019 (Pk (EL) MPOB 01/2019) bagi mengelak tindakan penguatkuasaan MPOB.

Sekian, terima kasih.

Yang benar,

  
**DR. AHMAD PARVEEZ HJ. GHULAM KADIR**  
Ketua Pengarah, MPOB



- s.k
- i. Pengerusi MPOB
  - ii. Setiausaha Bahagian Kanan,  
Bahagian Kemajuan Industri Sawit & Sago (BISS) MPI
  - iii. Setiausaha Eksekutif MPOA
  - iv. Setiausaha Eksekutif POMA
  - v. Setiausaha Eksekutif PORAM
  - vi. Setiausaha Eksekutif MEOMA
  - vii. Setiausaha Eksekutif EMPA
  - viii. Setiausaha Eksekutif NASH
  - ix. Setiausaha Eksekutif MEOA
  - x. Setiausaha Eksekutif SOPPOA
  - xi. Setiausaha Eksekutif ISP
  - xii. Setiausaha Eksekutif MOPDA



**LEMBAGA MINYAK SAWIT MALAYSIA  
BAHAGIAN PELESENAN DAN PENGUATKUASAAN  
PEKELILING PENGUATKUASAAN (PELESENAN) MPOB**

Rujukan Pekeliling : Pk(EL)MPOB 01/2019  
Tarikh Kuatkuasa : 15 Oktober 2019  
Perkara : **PENGUATKUASAAN TAMBAHAN SYARAT LESEN YANG DIKENAKAN BAGI PEMEGANG LESEN DALAM KATEGORI KATEGORI KILANG BUAH KELAPA SAWIT (MF), KILANG PENAPIS (RF), PENGEKSPORT KELUARAN KELAPA SAWIT (PX) DAN PENGIMPORT KELUARAN KELAPA SAWIT (PM): KESELAMATAN MAKANAN DAN MINYAK SAWIT YANG BERKUALITI**

## **1.0 TUJUAN**

Untuk memaklumkan penguatkuasaan tambahan syarat lesen ke atas pemegang lesen kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM).

## **2.0 LATAR BELAKANG**

- 2.1 Industri sawit negara berhadapan dengan pelbagai halangan, termasuk tariff dan bukan tariff bagi eksport terutamanya ke negara-negara di Kesatuan Eropah. Ini termasuklah pengeluaran minyak sawit yang tidak mampan dan kesesuaian penggunaan minyak sawit dari sudut kesihatan.
- 2.2 European Food Safety Authority (EFSA) dalam laporan yang dikeluarkan pada bulan Mei 2016, melaporkan bahawa kandungan bahan kontaminasi 3-monochloropropanediol ester (3-MCPDE) dan glycidyl ester (GE) dalam minyak sawit bertapis adalah lebih tinggi berbanding minyak sayuran lain. Kajian menunjukkan bahan-bahan kontaminasi 3-MCPDE adalah karsinogen dan akan memberi impak yang buruk ke atas kesihatan pengguna.
- 2.3 Lembaga Minyak Sawit Malaysia (MPOB) amat komited menangani isu keselamatan makanan dalam minyak sawit bertapis dan menjalankan kajian bagi mencari penyelesaian paling berkesan dan praktikal untuk menghapuskan pembentukan bahan kontaminasi ini. Kaedah terbaik untuk mengurangkan kandungan 3-MCPDE adalah dengan mengurangkan nilai kandungan klorin pada peringkat awal penapisan minyak sawit mentah (CPO) bagi memastikan penerimaan minyak sawit di peringkat antarabangsa yang memenuhi spesifikasi.

**JABATAN PENDAFTARAN DAN PELESENAN  
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.  
Telefon: 603-78035544 . Faks:603-78034014 603-78061485 . <http://www.mpob.gov.my>



**LEMBAGA MINYAK SAWIT MALAYSIA  
BAHAGIAN PELESENAN DAN PENGUATKUASAAN  
PEKELILING PENGUATKUASAAN (PELESENAN) MPOB**

- 2.4 Bagi memastikan industri kelapa sawit Malaysia terus berkembang maju dan berdaya saing, semua pihak dalam rantai pengeluaran minyak sawit hendaklah berusaha dan komited untuk meningkatkan kualiti pengeluaran minyak sawit Malaysia.
- 2.5 Sejalan dengan aspirasi tersebut, Lembaga Minyak Sawit Malaysia (MPOB) telah menjalankan beberapa kajian di lapangan. Hasil daripada kajian serta konsultasi bersama industri, suatu pendekatan telah diambil dengan memutuskan bahawa suatu peruntukan undang-undang iaitu menambah syarat yang dikenakan pada lesen bagi kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM) perlu dilaksanakan untuk kebaikan industri kelapa sawit negara bagi jangka masa panjang dan memberi impak yang maksima.
- 2.6 Susulan daripada itu, Mesyuarat Lembaga kali ke-105 yang telah diadakan pada 24 Julai 2019 telah memutuskan untuk menambah syarat lesen yang dikenakan ke atas kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM).

### **3.0 PENGUATKUASAAN SYARAT LESEN**

- 3.1 Lembaga akan menguatkuasakan syarat lesen bagi pemegang lesen dalam kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM) seperti di **Lampiran 1**.
- 3.2 Peraturan 21, Peraturan-Peraturan Lembaga Minyak Sawit Malaysia (Pelesenan) 2005 memperuntukkan bahawa seseorang pemegang lesen yang tidak mematuhi atau melanggar syarat-syarat lesen yang dikenakan adalah melakukan suatu kesalahan dan apabila disabitkan boleh didenda tidak melebihi dua ratus ribu ringgit atau dipenjarakan selama tempoh tidak melebihi tiga tahun atau kedua-duanya.

### **4.0 PEMAKAIAN**

Pekeliling Penguatkuasaan (Pelesenan) MPOB 01/2019 [Pk (EL) MPOB 01/2019] adalah terpakai kepada pemegang lesen kategori Kilang Buah Kelapa Sawit (MF), Kilang Penapis (RF), Pengeksport Keluaran Kelapa Sawit (PX) dan Pengimport Keluaran Kelapa Sawit (PM)

**JABATAN PENDAFTARAN DAN PELESENAN  
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.  
Telefon: 603-78035544 . Faks:603-78034014 603-78061485 . <http://www.mpob.gov.my>



**LEMBAGA MINYAK SAWIT MALAYSIA  
BAHAGIAN PELESENAN DAN PENGUATKUASAAN  
PEKELILING PENGUATKUASAAN (PELESENAN) MPOB**

**5.0 TARIKH KUATKUASA**

Pekeliling penguatkuasaan ini berkuatkuasa mulai **15 Oktober 2019**.

**6.0 PENGESAHAN & KELULUSAN**

**DR. AHMAD PARVEEZ HJ. GHULAM KADIR**  
Ketua Pengarah  
MPOB

Tarikh: **30 Oktober 2019**

**JABATAN PENDAFTARAN DAN PELESENAN  
WISMA SAWIT**

Lot 6, SS6, Jalan Perbandaran, 47301 Kelana Jaya, Selangor, Malaysia. Peti Surat 8073, 46781 Kelana Jaya, Selangor, Malaysia.  
Telefon: 603-78035544 . Faks:603-78034014 603-78061485 . <http://www.mpob.gov.my>

**LAMPIRAN 1**

**TAMBAHAN SYARAT LESEN BAGI KATEGORI KILANG BUAH KELAPA SAWIT (MF), KILANG PENAPIS (RF), PENGEKSPORT KELUARAN KELAPA SAWIT (PX) DAN PENGIMPORT KELUARAN KELAPA SAWIT (PM): KESELAMATAN MAKANAN DAN MINYAK SAWIT YANG BERKUALITI**

**TAMBAHAN SYARAT LESEN:**

**KATEGORI KILANG BUAH KELAPA SAWIT (MF)**

Tarikh Kuat Kuasa : 1 Januari 2020

- (i) Pemegang lesen tidak dibenarkan menambah semula minyak sawit keladak ke dalam minyak sawit mentah.  

dan
- (ii) Pemegang lesen tidak dibenarkan mencampur yang termasuklah mencampur bersama, atau ditambah semula minyak dari fiber mesokarpa ke dalam minyak sawit mentah. Bagi maksud syarat ini, "minyak dari fiber mesokarpa" ertinya minyak yang dihasilkan daripada fiber mesokarpa yang telah ditekan dan diekstrak menggunakan pelarut.

- 1. KATEGORI PENGEKSPORT KELUARAN KELAPA SAWIT (PX)**
- 2. KATEGORI PENGIMPORT KELUARAN KELAPA SAWIT (PM)**

Tarikh Kuat Kuasa : 1 Julai 2020

- (i) Pemegang lesen hendaklah memastikan bahawa minyak sawit mentah, pada masa penghantaran mengikut amalan perniagaan semasa, iaitu pada masa penyerahan minyak daripada tangki penjual, sama ada kilang buah kelapa sawit, pusat simpanan pukal, eksport, import, atau selainnya, mengikut mana-mana yang berkenaan, mematuhi spesifikasi yang ditentukan oleh Lembaga sepertimana yang ditetapkan dalam Jadual A: Spesifikasi Kualiti untuk Minyak Sawit Mentah.
- (ii) Pemegang lesen hendaklah memastikan import minyak sawit mentah mematuhi spesifikasi yang ditentukan oleh Lembaga sebagaimana yang ditetapkan dalam Jadual A: Spesifikasi Kualiti untuk Minyak Sawit Mentah.  

dan
- (iii) Pemegang lesen hendaklah memastikan kontrak jualan atau belian; dan termasuk kontrak antarabangsa, antara pembeli dan penjual mematuhi spesifikasi yang ditentukan oleh Lembaga sepertimana yang ditetapkan dalam Jadual A: Spesifikasi Kualiti untuk Minyak Sawit Mentah, dan keperluan lain oleh pembeli.

**Jadual A: Spesifikasi Kualiti untuk Minyak Sawit Mentah**

Bil.	Ciri-ciri	Kualiti Standard
a.	Asid Lemak Bebas (FFA) (sebagai palmitik), % maks	5.0
b.	Kelembapan & Kotoran (M&I), % maks	0.25
c.	DOBI, min	2.31
d.	Klorin (Cl), maks	2.0 ppm

1. **KATEGORI KILANG PENAPIS (RF) DAN**
2. **KATEGORI PENGEKSPORT KELUARAN KELAPA SAWIT (PX)**
3. **KATEGORI PENGIMPORT KELUARAN KELAPA SAWIT (PM)**

Tarikh Kuat Kuasa : 1 Januari 2021

- (i) Pemegang lesen hendaklah memastikan bahawa minyak isirung sawit yang diproseskan, pada masa penghantaran mengikut amalan perniagaan semasa, iaitu pada masa penyerahan minyak daripada tangki penjual, sama ada daripada kilang penapis, pusat simpanan pukal, eksport, import, atau selainnya, mengikut mana-mana yang berkenaan, mematuhi keperluan tahap maksimum 3-MCPDE pada 1.25 ppm dan GE pada 1 ppm .  
dan
- (ii) Pemegang lesen hendaklah memastikan kontrak jualan atau belian; dan termasuk kontrak tempatan atau kontrak antarabangsa, antara pembeli dan penjual untuk minyak isirung sawit yang diproseskan mematuhi keperluan tahap maksimum 3-MCPDE pada 1.25 ppm dan GE pada 1 ppm, dan keperluan lain oleh pembeli.

1. **KATEGORI KILANG PENAPIS (RF) DAN**
2. **KATEGORI PENGEKSPORT KELUARAN KELAPA SAWIT (PX)**
3. **KATEGORI PENGIMPOR KELUARAN KELAPA SAWIT (PM)**

Kilang Penapis Bersepadu

Tarikh Kuat Kuasa : 1 Januari 2021 sehingga 31 Disember 2021

Kilang Penapis Persendirian (Bebas)

Tarikh Kuat Kuasa : 1 Januari 2021 sehingga 31 Disember 2022

Pengeksport dan Pengimport

Tarikh Kuat Kuasa : 1 Januari 2021 sehingga 31 Disember 2021

- (i) Pemegang lesen hendaklah memastikan bahawa minyak sawit yang diproseskan, pada masa penghantaran mengikut amalan perniagaan semasa, iaitu pada masa penyerahan minyak daripada tangki penjual, sama ada daripada kilang penapis, pusat simpanan pukal, eksport, import, atau selainnya, mengikut mana-mana yang berkenaan, mematuhi keperluan tahap maksimum 3-MCPDE pada 2.5 ppm dan GE pada 1 ppm .

dan

- (ii) Pemegang lesen hendaklah memastikan kontrak jualan atau belian; dan termasuk kontrak tempatan atau kontrak antarabangsa, antara pembeli dan penjual untuk minyak sawit yang diproseskan mematuhi keperluan tahap maksimum 3-MCPDE pada 2.5 ppm dan GE pada 1 ppm, dan keperluan lain oleh pembeli.



1. **KATEGORI KILANG PENAPIS (RF) DAN**
2. **KATEGORI PENGEKSORT KELUARAN KELAPA SAWIT (PX)**
3. **KATEGORI PENGIMPORT KELUARAN KELAPA SAWIT (PM)**

Kilang Penapis Bersepadu

Tarikh Kuat Kuasa : 1 Januari 2022

Kilang Penapis Persendirian (Bebas)

Tarikh Kuat Kuasa : 1 Januari 2023

Pengeksport dan Pengimport

Tarikh Kuat Kuasa : 1 Januari 2022

- (i) Pemegang lesen hendaklah memastikan bahawa minyak sawit yang diproseskan, pada masa penghantaran mengikut amalan perniagaan semasa, iaitu pada masa penyerahan minyak daripada tangki penjual, sama ada daripada kilang penapis, pusat simpanan pukal, eksport, import, atau selainnya, mengikut mana-mana yang berkenaan, mematuhi keperluan tahap maksimum 3-MCPDE pada 1.25 ppm dan GE pada 1 ppm .

dan

- (ii) Pemegang lesen hendaklah memastikan kontrak jualan atau belian; dan termasuk kontrak tempatan atau kontrak antarabangsa, antara pembeli dan penjual untuk minyak sawit yang diproseskan mematuhi keperluan tahap maksimum 3-MCPDE pada 1.25 ppm dan GE pada 1 ppm, dan keperluan lain oleh pembeli.